



## RÍKISLÖGREGLUSTJÓRI

Reykjavík 15. desember 2022

*Tilvísun: 2022110072*

*Tilvísun yðar: F123/2022*

Umboðsmaður Alþingis  
Þórshamri, Templarasundi 5  
101 Reykjavík

Vísað er til erindis umboðsmanns Alþingis dags. 10. nóvember sl. þar sem óskað er tiltekinna upplýsinga varðandi framkvæmd brottvísunar af hálfu lögreglu þann 2. nóvember sl. og var til umfjöllunar í fjölmiðlum.

Í samræmi við 3. mgr. 5. gr. lögreglulaga nr. 90/1996 og 23. gr. reglugerðar nr. 325/2021 um starfsemi, hlutverk og ábyrgð embættis ríkislögreglustjóra þá annast embætti ríkislögreglustjóra framkvæmd brottvísana og frávísana umsækjenda um alþjóðlega vernd og framsal og fangaflutninga, á grundvelli sérstaks samnings við Útlendingastofnun og dómsmálaráðuneytið. Það atvik og sú framkvæmd sem umboðsmaður hefur til skoðunar varðaði þetta hlutverk embættisins. Rétt er að taka fram að tveir hjólastólar fylgdu með einstaklingnum þegar hann var fluttur úr landi, annar ekki rafknúinn og hinn rafknúinn.

Líkt og kemur fram í bréfi umboðsmanns Alþingis þá hefur embætti ríkislögreglustjóra til skoðunar það verklag sem viðhaft var og er það til skoðunar að lögreglu, eftir atvikum embætti ríkislögreglustjóra, fjárfesti í fjölnota bifreið sem verður notuð við flutning einstaklinga sem þurfa að notast við hjólastól. Hafin er skoðun á því að kaupa bifreiðina sem yrði útbúin í samræmi við það að einstaklingar sem nota þurfi hjólastól geti farið í stólnum inn í bifreiðina. Leitað er að bifreið sem yrði útbúin í samræmi við að öryggi þeirra einstaklinga sem nota þurfa hjólastól og ferðast um í hjólastólnum í bifreið sé tryggt.

Að öllum líkindum er það þó sjaldan sem nota þarf farartækið vegna einstaklinga sem nota þurfa hjólastól og komast í hjólastólnum inn í bíl og því er fyrirhugað að bifreiðin verði einnig notuð í öðrum tilgangi, en að það myndi ekki koma niður á þeim útbúnaði sem bifreiðin verður búin fyrir hjólastóla. Af þeim sökum er notað orðið fjölnota bifreið. Sem dæmi má nefna að þetta er t.d. í fyrsta sinn sem stoðdeild embættis ríkislögreglustjóra annast flutning á einstakling sem notast við hjólastól.

Embætti ríkislögreglustjóra vill áréttta að einstaklingar sem eru í hjólastól og þurfa að nota bifreið sem farartæki verði fluttir í þar til gerðum bifreiðum sem útbúnar eru í þessum tilgangi og í samræmi við viðurkennda öryggisstaðla, verði því viðkomið. Við flutning frelsissviptra einstaklinga, líkt og á við í þessu tilvik, verði notast við bifreið sem er útbúin á þennan hátt, þannig að einstaklingurinn geti farið á hjólastólnum inn í bifreiðina. Slíkt getur þó ekki verið unnt í öllum tilvikum, en það fer allt eftir eðli máls hverju sinni og með hagsmuni og þarfir einstaklingsins að leiðarljósi. Er þá átt við einstaklinga sem þurfa að notast við hjólastól vegna líkamlegrar fötlunar eins og lómunar eða vegna annars sambærilegs ástands. Einstaklingar sem þurfa tímabundið að nota hjólastól s.s. vegna gönguerfiðleika, t.d. vegna hás aldurs, eða tímabundins ástands en treysta sér að setjast inn í almenna bifreið að ekki verður girt fyrir að þeir einstaklingar geti verið fluttir í almennum bifreiðum.

## RÍKISLÖGREGLUSTJÓRI

Embættið vinnur nú að skýrslu vegna þess brottflutnings sem málið varðar, en vegna mikilla anna meðal starfsmanna embættisins er gerð skýrslunnar þó ekki lokið. Verður hún send á dómsmálaráðuneytið. Í þessu samhengi er þó rétt að taka fram að fyrstu áætlanir stoðdeildar gerðu ráð fyrir að umræddur einstaklingur yrði fluttur til Keflavíkur í bifreið útbúinni fyrir hjólastól. Allar áætlanir breyttust þó verulega þar sem lögregla varð að flytja viðkomandi úr búsetuúrræði fyrr en stóð til og á hótél, og svo fljótlega í kjölfarið af hótelinu og til Keflavíkurflugvallar. Ástæða breyttrar áætlunar var að lögreglu gat ekki lengur tryggt öryggi á vettvangi, bæði í búsetuúrræði sem og á viðkomandi hóteli vegna mótmæla sem voru hafin og einstaklinga sem hugðust jafnvel koma í veg fyrir brottflutninginn. Verður það rakið í skýrslu til dómsmálaráðuneytisins.

Að ofangreindu virtu er hér með upplýst að vinna er í gangi hvað varðar að fjárfesta í fjölnota bíl sem yrði útbúin í samræmi við það að einstaklingur sem notast við hjólastól geti farið inn í bifreiðina í stólnum og sé þar öruggur, enda verður um að ræða bifreið sem er sérstaklega útbúin til þessa en yrði einnig notuð í öðrum tilgangi. Kaup eða leiga mun ekki nást fyrir áramótin en fyrirhugað að gengið verði frá þessu á fyrri hluta árs 2023, með þeim fyrirvara að rétt útbúin bifreið finnist og fjármögnun verði tryggð.

F.h. RLS

Kristbjörg Fjöldadóttir  
Kristbjörg Fjöldadóttir

